

A Giant Stushie!

Aw, smashin, ye're here – we need yer help!
The Scottish giant Benandonner is hidin in the museum! He's richt in the middle o a stushie wi thon Irish giant Finn McCool, the yin that built the Giant's Causeway.

SUPPORTING
YEAR OF
STORIES
— 2022 —

Gonnae gie us a haun tae keep the museum and awbody that's in it safe?

The last place we saw Benandonner wis in the *Early People* gallery (Level -1) next tae this staunin stane.

He's huntin for things tae help him tae fecht, and he's usin the staunin stane as a shield.




How many steps dae ye need tae get frae the staunin stane tae the stairs? Benandonner can dae the hale thing in a wanner!

How muckle are ye compared tae the giant? Pit yer hauns up as high as ye're able - can ye touch the ceilin? Benandonner can!

Ye're gonnae need somethin tae protect yersel wi.
Sneak awa up tae the *Kingdom of the Scots* gallery (Level 1).



Pick oot somethin tae protect yersel wi. Whit will ye pick - a sword, some armour or a wee chairm?



Draw the hingmy ye've picked here:



The flair stairts shooglin and ye can hear the fitsteps in Hawthornden Court... it's him.

Gonnae stamp yer feet tae see if ye can scare him awa? Lowp up and doon an aw! Aw naw, it isnae workin...

I'm gonnae boak! He smells pure mingin!



Whit dis thon awfie honkin smell mind ye o?



Benandonner is that muckle his heid gangs aw the wey up tae Level 3! He might cowp ower some o oor exhibitions - ye need tae stop him!

Gang up tae the *Scotland Transformed* gallery (Level 3) and pick yer three best things that ye want tae keep safe frae the giant. Tak photies o them aw wi yer real (or kid-on!) camera.

Benandonner lets oot a muckle yawn. Noo's yer chance! Gang taewards the back o the gallery, ahint the Newcomen engine, and on through the doorway tae yer left.


Find the musical instruments and pick yin tae lull him tae sleep.


Whit sang are ye gonnae pick?
Can ye hum it for us?

While Benandonner's haein a wee nap, he's mummlin awa tae himsel in his sleep, and guess whit? He's no scary at aw - he's jist feart cause he's lost and on his ain!

Can ye help him tae find his wey hame?
Clap yer hauns three times tae wake him up.

Tak him tae the *Kingdom of the Scots* gallery (Level 1) whaur there's hunners o stane doorweys and cairved widden doors.





Yin o thon doors micht help
Benandonner tae get oot.

Whit yin will ye pick for him?

It's gonnae be a ticht squeeze
for him tae get through!

Can ye coorie doon as wee as ye
can mak yersel?

Whit dae ye think – will he hiv
tae get doon on his hauns and
knaps tae get oot?

Ye smell the sea and hear the
seabirds... Ye've fund the richt
door.

Wave cheerio tae Benandonner...

Noo kid on ye're shuttin the door
and pittin the snib on tae keep
ony mair giants oot!

Thanks awfie muckle for helpin
Benandonner find his wey back home.

Noo awa tell aw yer pals whit an
stoa'in adventure ye've had the day!